

Na osnovu člana 15. Zakona o udruženjima i fondacijama („Sl. novine FBiH“, br. 45/02) i člana 40. Statuta Udruženja poslodavaca FBiH Konstituirajuća Skupština Grupacije poslodavaca iz oblasti metalne industrije donosi:

ODLUKU

o osnivanju Grupacije poslodavaca iz oblasti metalne industrije pri Udruženju poslodavaca u Federaciji Bosne i Hercegovine

Član 1.

Ovom Odlukom osniva se Grupacija poslodavaca iz oblasti metalne industrije (u daljem tekstu: Grupacija) kao oblik dobrovoljnog udruživanja članova Udruženja poslodavaca u Federaciji BiH.

Član 2.

Naziv Grupacije glasi: Grupacija poslodavaca iz oblasti metalne industrije pri Udruženju poslodavaca u FBiH

Član 3.

Osnovni ciljevi i aktivnosti grupacije su:

- zaštita prava i interesa svojih članica,
- praćenje i izučavanje privrednih tokova u svojoj djelatnosti,
- unaprjeđenje zajedničkog tržišnog i poslovnog nastupanja,
- razvoj i promoviranje poslovnih odnosa uz izražavanje posebnosti interesa privatnog vlasništva,
- razvoj i promoviranje poštovanja primjene etičkih načela struke,
- promoviranje saradnje s drugim strukovnim organizacijama,
- zastupanja interesa članova pri Vladi, Ministarstvima i i drugim tijelima državne vlasti,
- uključivanje, putem zakonom dozvoljenih postupaka i razvojem saradnje s nadležnim tijelima, u postupke donošenja zakonskih i podzakonskih akata u vezi s djelatnošću, te drugih djelatnosti od interesa za svoje članove,
- kolektivno pregovaranje sa granskim sindikatom, te sudjelovanje u sklapanju kolektivnih ugovora kojima se uređuju pitanja iz radnih odnosa i u vezi s radnim odnosima iz oblasti metalne industrije
- kao i drugi ciljevi od značaja za rad članica

Član 4.

Članovi organizirani u Grupaciju upravljaju radom i poslovima Grupacije putem Skupštine, Upravnog odbora Grupacije, te komisija i drugih oblika organiziranja u Grupaciji u skladu sa Pravilnikom.

Član 5.

Skupština donosi Pravilnik o organizaciji i radu Grupacije kojim će se regulisati svrha i djelatnost, članstvo, organizacija, organi, način izbora tijela i odlučivanje, zastupanje, prestanak rada i druga pitanja značajna za rad Grupacije.

Član 6.

Sjedište Grupacije je u sjedištu Udruženja poslodavaca Federacije Bosne i Hercegovine.

U Sarajevu, 26.07.2006. godine

PREDSJEDAVAJUĆI SKUPŠTINE

Alija Avdić

